



28. januar 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit:

1. Qanoq akeqassava aamma qanoq sivilutigissava Naalackersuisunut Institut for Læring suleqatigalugu pisariaqartinneqartunik ilinniartitsissutinik ineriartortitsissagaluarpata kiisalu qarasaasiamik atuinermi pissuserissaarnissaq qarasaasiamillu eqqortumik atuinissaq ilinniartitsisunit ilinniartitsissutigineqartalernissaat qulakkeerneqassasuuppat?

2. Qarasaasiamut nussuinissamut pilersaarut 2018-meersoq naapertorlugu meeqqat atuarfianni atuartut qarasaasiamik atuinermi pissuserissaarnissaanun, internettimik qularnaatsumik atuinissaannut/SOME, kiisalu qarasaasiamut nussuineri peqqinnartumik kultureqarnissamut il.il. anguniagaqarpoq - qanoq iliorlutik anguniakkat taakku Naalackersuisunit anguniarneqarniarpat? aamma pineqartup iluani anguniakkanit sorliit aallartinneqarnikuuppat?

3. Ilinniartitaanerup iluarsartuunnissaa pillugu suliaq qarasaasiamut nussuinissamut pilersaarummut qanoq ilaatigiva, tassungalu tunngasoq suliaq sumut killippa?

(Inatsisartunut ilaasortaq Randi Vestergaard Evaldsen, Demokraatit)

Tungavilersuut

Demokraatini tapersorsorparput "Inuiaqatigiit qarasaasiamik atuisut - Nuna tamakkerlugu qarasaasiamut nussuinissamut pilersaarut 2018" saqqummersinneqartoq 2018-mi aamma tassunga atatillugu meeqqat atuarfiani iliuusissanut innersuussutigineqartut maluginiarpagut.

Demokraatini iluaraarput pineqartoq eqqumalluarfigineqarmat, isumaqarpugulli naammangitsoq taamaallaat sakkugineqassappata atuartitsissutaareersuni IT-mik atuisarnissaq taamatullu atuartitseriaaseq atorneqartoq. Isumaqarpugut pineqartoq immikkoortoq ima imartutigisoq - minnerunngitsumik sinissaq eqqarsaatigalugu - allaat atuarfinni klassit tamarmik skemaanni immikkut atuartitsissutitut ilanngunneqartariaqartoq. Isumaqarpugut atuartitsissut imartusariaqartoq taamaattumillu immikkut ilannguttariaqartut



DEMOKRAATIT
DEMOKRATERNE

qarasaasiamik atuinermi pissuserissaarnissaq, qarasaasiami mianernarsinnaasut kiisalu qarasaasiamut nussuinermi teknikki ilaasariaqartoq soorlu ilusilersuineq aamma isertukkanik paarnaarsaasersuineq.

Ullut sulliviit naliginnaasut qulit iluanni apeqqutinnut akissutit tiginissaannut qilanaarpunga